

嘉慶鳳臺縣志

鳳臺縣志卷四

賜進士出身翰林院庶吉士鳳臺縣知縣兼理壽州事李兆洛纂
溝洫志

古稱淮堧沮洳蓋地處卑下淮挾諸山之水而至彌
漫旁溢其勢然也縣承頽口下流淮始出平地硤石
驟束之既出硤石又扼黑石山東至懷遠又扼於荆
塗驟漲不宜爲患滋甚醜流引渠足以殺患興利而
參觀地防厥有異宜疏舉大端畧有三要淮南之地
多宜畜水原隰交錯土膏衍沃因卑就下股引成渠
水流滂裔偃豬灌浸利饒耕鑿其要一也淮北之地

多宜瀉水阜原迤邐旁比高阜流潦兗溢已成澤國厥土離斥不任淳畜泉潤蒸達小曠不枯多穿支渠潦乃急注其要二也濱淮之地厥宜障水灘灣淤汙惟虞汎溢捍防阻堰岡陸連屬盛漲不侵膏壤足殖其要三也綜是三則厥以淮南爲上若疏導得宜潦可分泄旱可引灌利孰大焉今力穡之戶畜有塘壩者雖遇小旱猶屛救得穫是能其利也若淮北高下二區不能引水爲利但求免水患而已縣所處淮南地窄其得水利爲上腴者幾希矣而所爲求免水患者皆是也雖磽确不齊亦庶幾圖去患以爲利其

具可無豫乎縣西之焦岡湖董峯湖東北之錢家湖
穆楊湖皆周數十里蓋昔時淮水游波滄滙漸淤成
陸民今墾殖其中小漲卽淹沒見告矣夫漫水可隄
也決水可防也江南之地卑於淮北長江之水盛於
長淮然築圍分圩堵壩設牐遂可以去急患保永利
是隄防之不可不講也縣北之薛家集清泉集諸坊
首受蒙境下流之水稍遇霖雨則田廬道路皆被淹
浸災歎屢告不得深溝通渠支分宣暢其患無已是
溝瀆之不可不講也隄防之利曰魯村灣牐大山集
壩豐湖牐二里壩王葉家巷東西壩溝瀆之利曰濕

泥河裔溝河黑濠河界溝若乃北山諸泉可資灌溉者亦考其大小附而著之曰磐泉元女泉聚星泉抱雪泉嵐香泉沁月泉洗雲泉渾山泉

魯村灣廂縣東北三十里西南負山東北濱淮爲地三百餘頃內復有三湖西爲徐家湖中爲孔家湖東爲馬家湖西湖十餘頃中湖次之東湖三十餘頃受南山之水歲旱則稼地勢西高東下西湖不可開合東注開則東湖瀾漫矣北灘亦高淮水盛漲則由東灌入舊惟土埂障水尋廢乾隆十七年知縣朱展祥請築壩未果行二十四年知縣鄭基始成之又建石

牖以司洩閉壩長七里高丈六尺知縣鍾旭署知縣
黃道恩增修知縣沈丕欽加以木板每歲春融按畝
出夫培築日久廢弛嘉慶十二年大水水懸壩而入
其所冲窪蟄成塘不可復修十四年兆洛按視令於

塘外挑土包築增石牖三尺餘庶復其舊

魯村灣牖碑記鳳臺

地多斥鹵城之北面山而濱淮者有魯村焉其地窪
其土墳約數百頃聚處其中者數百家屢被淮泛諸
父老子弟每欲築堤設防計其工費煩重難於舉事
歲丁丑鄭公蒞斯邑甫下車訪黥黎休戚凡有裨益
地方者輒整理之一日臨魯村慨然有修堤之志次
年適歲歉施賑遂從衆議設法通變以爲工資補地
之冲陷而立堤焉戊寅夏水小卽得其利已卯乃謀
天與其役捐俸五十金命工採石於山士民戴公意
咸踴躍從事生員李眉捐地以取土衆姓各捐金或
兼出車或自用力公親督其工不日而事竣堤高數

大石牖屹立以時啓閉雖遭水漲不得越壩乃無被
澇之憂內水之瀦者可需灌漑亦無被旱之患使害
杜而利存公之賜也爰勒諸石以誌不朽前歲兆
洛行縣之魯村灣其父老爲言舊時之成此壩有坊
民孔生某者董其事實能不避勞怨朝夕經理之壩
上夾樹楊柳孔生而司此者無遠計又值歲歉居
民益伐樹皆盡今遂無一株存者嗚呼愚民之苟且
於目前大率如此非司土者爲之董率勸導則成之
難而敗之易可勝慨哉

大山集壩縣北二十里卽魯村灣上壩也南自烟墩
山北至淮濱三里淮漲則溢入爲患然稍高於魯村
被患較少土人常靳其工作希下流爲之培護也非
有司督率之鮮有不分畛域者矣知縣朱辰亦詳請
修壩鄭基增修之長六百丈高四尺

豐湖埭縣西三十里舊名小口溝在焦岡湖濱湖爲
楊家腦長湖灣雙橋集黃家壩諸坊之水下流所匯
卽水經注所謂椒水也環湖諸坊地皆高仰其濱淮
一面舊有口數處曰燕湖口大口溝柴家窪杜家窪
魯家口魏家窪淮水泛漲輒溢入爲害雖設有土壩
日久坍塌不能堵閉其上流雙橋集長湖灣諸水由
催糧溝中心溝入湖者在在淤成平陸居民佔種之
暑雨暴集水無所歸則漫溢平地高下皆病十四年
按視諸坊時經十二年水漲之後湖中積水汪洋未
消因急命堵築燕湖口壩

豐湖埭東二里餘新爲淮
水所衝壩內墊塘取土頗

難又土性輕燥如沙築不能堅今雖加高培厚并栽柳壩上然係水勢頂冲之地工段又長猶宜以時修

護大口溝壩已淤成平陸地勢稍高施工尚易柴家

窪大口溝壩已淤成平陸地勢稍高施工尚易柴家

口西三里魏家窪魯家口楊家腦壩在沙河濱沙河

穎入催糧溝以淹湖挾上游之勢為患尤大并漫溢

時老沙河地形漸高頽民不復肯赴工故即督坊民

修之然此壩利害在楊家腦者少在濱湖之民者多

本坊之民未免怠於以防驟漲其冬淮水落因開小

口溝以洩湖水并建石牖以資宣節又開通催糧溝

并接開中心溝以下高阜之水催糧溝中心溝為雙

之水民庶獲其利焉豐湖牖碑濱湖七坊環百餘里

下游民庶獲其利焉之水皆仰此牖洩之定以十一

月開放盡二月堵合其有非時內漲及甚旱需外水
灌球者則隨時量爲啟閉別條定事宜爲成書授之
七坊之民矣牖之庶與湖底極深處平高十六尺廣
丈十尺八十七門寬十二尺向乙兼加卯計用面石
四百丈裏用不等石八萬筋鴈翅用不等石七十
萬筋木六百本牖板二道石灰五萬筋灌用米汁米
錢二千五百筋瓦石匠千五百工役四千六百夫大都用
民胡愛蓮曹際雲史策史心齋石凌雲魯耀庭何大
年魯凌清李鳳詔造牖匠王美刻字冷鳳庭爲之銘
冀不朽銘曰人生惟勤生乃植爾田爾宅惟爾力日
成斯功寶斯稿深溝云云岸疑疑原平隰清雨暢節
自今歲取千且億日完月修保無數民無窳偷吏無
賊子子孫孫食爾德嘉慶十五年月日知鳳臺
縣事李兆洛撰附焦湖溝牖始末焦岡湖上承類
上縣界之雙橋集長湖灣一帶高阜之水陂隨旁集
外濱大淮地勢窪下淮水漲則溢而入湖雙橋長湖
一帶霖雨驟集亦噴瀉入湖湖周四十餘里有高岡
環之岡所不匝之處築壩以禦淮水凡十餘處居民
無遠慮不能隨時修葺半致廢壞淮水至輒灌湖并

淹民田兆洛以十三年到官十四年春巡視縣境至湖中時經十二年淮漲之後湖水積而不消中間俱成汪洋湖邊二麥甚長發因急命居民增築各壩以防淮水驟漲復爲周視環湖地形湖勢雖窪然秋冬淮水消落時若放水入淮則湖中之地俱可涸而種麥於春夏淮水長發時引水入湖便可蒔稻若徒堵壩以禦外水則潦無可洩旱無所灌必造牖節宣之始可歲收其利又諮訪土人知上流黃家壩以上向有催糧溝一道以道高旱之水入湖今溝形盡淤上流水無所洩一遇溢霖高原之水驟下平舖直漫傷稼極多亦急宜開挑以資暢順計兩工之費非數千金不能集事而經費無所出甚患苦之其年夏頗旱湖中積水處雖汪洋瀾望而深不過數寸居民因蔣稻於湖心其秋大稔民所蔣稻本係官地向無界址但視力之所及隨各人宜便浸布之耳比將收割也田羣起而爭之洵然欲集衆械闕予聞之親往勘焉湖中之稻彌望數十里不見其際雲黃鋪地畝可數石取厚利所在勢不能禁又恐聽之而益爭因論令凡種湖地者分所收三分之一爲造牖挑溝之用以平不獲估種者之氣其所收者卽儲於湖民有力之

家令其糶錢以供經費計所收穀凡二千餘石十五年春采石募匠造豐湖廂時穀價傷賤糶錢不及二千緡予又捐俸以足之麥秋可五六收不征其租令種湖地者出人夫培築各壩至秋而廂壩各工始竣乃挑開湖口淺塞盡放湖水令涸其上流催糧溝舊道侵佔者釐而出之淤淺者濬而深之又於湖中窪處接催糧溝者舊有中心溝亦皆淤平因接挑大溝一道自東抵西直抵小口溝出廂即以所挑之土堆築兩涯爲堤令水有所歸以絕漫淹之患

蕭景雲焦岡湖考曰焦岡湖衆水所匯也其來最遠者爲濁溝自潁上縣東北境龔家集坊之白塔湖東南屈曲行十五里入縣西北境雙橋集坊之陳家壩名濁溝又東南行二里至南岳廟南一里左合柳溝溝自縣西北王家集西八里左家湖水

東南行十二里至南岳廟東折西南行一里會濁溝濁溝又東南行七里至雙橋集南過橋東南行二里至黃家莊西左合庇利溝溝自王家集南三里南行爲庇利溝五里至頗塘穿塘百餘步南行十里至雙橋集北過木橋折而東南行一里左合橋溝溝自陳家集西郭家村之西南下爲橋溝南行五里逕夏家集又南行五里逕雙橋集又南行四里至高家橋會於庇利溝庇利溝又東南行七里會於濁溝濁溝又東南行三里爲栗子湖出湖折而西南行二里至黃家壩橋東右合花水澗澗

自潁上縣東北二十里曹家湖東南行八里過劉
三橋又東南行五十里入縣西境管家店由管家
店南畔東北行一里過大橋又東北行四里至陳
家橋過橋折而東行二里至甄家岡南右合兩窪
水水自縣西南境楊家腦集北受潁河水半里至
楊家壩壩長一里東南半里餘屬縣西北五十步
屬潁上過壩分兩支南支爲大窪東北行五里至
展家窪又東北行四里至和上橋折而東行三里
餘右則北支水來合之水自過楊家壩爲劉家窪
東北行一里入潁上境又東北行五里至葉家岡

南畔又東北行三里復入縣境管家店坊大橋集
南一里之大橋又東北行二里合於大窪水又東
北行半里對甄家岡南會於花水澗花水澗又東
行二里過黃家壩橋會於濁溝此下名催糧溝折
而東南盤曲行三里至郝家小樓南折而東行二
里至董家橋又東行半里右合唐家窪水水自黃
家壩坊之鄒家巷東入於沙河支流故道北行一
里至董家橋東會於催糧溝催糧溝又東行二里
餘至王家橋過橋折而東北行百餘步右合于家
溝水溝自黃家壩坊之曹家臺西半里微春分水

南行二里入於沙溝北行一里餘會於催糧溝催糧溝又東北行半里合魯家溝溝自黃家壩坊之韓家臺分水東南行二里折而南行三里折而東南行一里至魯家口大壩注於淮自韓家臺分水西北行二里至王家橋東半里餘會於催糧溝催糧溝又東北行二里餘至焦岡湖百涯新橋過橋東北行二里名中心溝折而東行一里左合呂溝溝自黃家壩坊之栗子湖尾分水東行二里逕段家廟南又東行五里入湖折而東南行三里會於中心溝中心溝又東行一里餘左合澗溝溝自夏

家集南四里孫家莊南平水南下行三里逕虎頭岡坊折而東南行二里至黃家橋又東南行四里至姑姑庵西畔入湖又東南行三里會於中心溝中心溝又東行六里左合官溝溝自夏家集北繞集東又繞集東南一里折而東行三里至觀音寺南又東行一里至王家橋南岸屬虎頭岡坊北岸屬陳家集坊過橋百餘步左合八丈溝溝自王家集西半里繞集北東南行六里至趙家孤堆東北折而東行四里至觀音寺北又東行一里至劉家樓東北折而南行三里過泰公路劉家橋折而東

南行一里至王家橋東會於官溝官溝過王家橋
折而東南行一里至燕岡嘴北又東南行四里至
歐蘇臺北過石家橋又東南行三里過馬家橋又
東南行一里至棗林張氏莊東入湖北涯又東南
行三里會於中心溝中心溝又東行四里左合丁
家窪水水自朱毛集西二里平水南下二里至水
碧寺東折而東南行二里爲梁家窪又東行三里
至丁家窪又東南行二里至丁家臺東入湖又東
南行四里會於中心溝中心溝又東行二里左合
王家溝溝自朱毛集東南三里袁家湖平水南行

四里爲王家城溝又南行二里至王家臺西插花廟東又東南行一里入湖折而南行七里會於中心溝中心溝又東行二里左合何家溝溝自袁家湖東角平水南行三里爲城溝又南行二里爲何家溝又南行半里至李家岡東入湖又南行五里史家溝水來合之溝自縣西北境董奉岡史家集南水下爲城溝南行三里爲史家溝又南行二里入湖折而西南行六里合於何家溝又西南行一里會於中心溝中心溝又東行一里餘左合福田窪水窪自史家集東二里西南行三里至約衆寺

東又繞其南西南行二里入湖又西南行七里會於中心溝中心溝又東行三里名小口溝折而東南行五里至豐湖開出閘又東南行一里注於淮按焦岡湖西北受潁上平湖澗渠之水西南受楊家腦兩窪之水濁溝催糧溝中心溝小口溝一道爲經餘水數十道緯之湖勢南北岡昂西等之東北最下而中虛曠遇西北西南雨多水盛建瓴而下於湖則湖成巨浸矣潁水漲則破楊家腦壩灌湖淮水漲則由沙河支流故道入唐家窪牛家溝下催糧溝灌湖或由魯家溝下催糧溝灌湖由杜

家窪柴家窪大口小口燕湖口灌湖西肥漲由董
奉湖至劉家路入福天窪賀家塘灌湖不惟湖勢
瀰漫岡地亦成澤藪矣湖之利在放內水禦外水
而引水難行內水古由董焦岡南尾南岡迤尾北
尾中豁里餘處爲燕湖由燕湖東南行出岡外抵
湖尾而注淮今中豁處汙塞水不出故道而由南
岡迤尾之西南里餘開小口放水湖水廣而口狹
未能通利須復開燕湖故道築壩修閘開閉合法
地下易出而以小口出水輔之則內水無壅滯之
患矣禦外水恃壩工楊家腦壩固則潁水不直灌

魯家溝以下各窪各口之壩固則淮流不倒灌劉家路壩固則西肥不倒灌而燕湖劉家路兩壩尤要地勢下水易灌壩不固尤易破也壩工固而外水之患絕矣引水難行者湖之南岡較昂岡之南淮流甚低也若開魯家口溝引淮以入湖溝淺則岡昂河低力費難引溝深則湖淮通流湖受淮害矣且湖地性濕畏漲澇利曠乾曠乾之年他地禾枯而湖苗倍收毋須引水以救也漲澇其常河不漲澇其偶此湖之勢然而治之踈密豈不貴審勢以爲之哉 蕭生此考甚詳密故備錄之其所擬

議尙有未盡然者其云湖水廣而口狹未能通利
余嘗於放水時親按行之以水平度淮湖高下湖
水高於閘外幾三尺而閘口出水處懸流不過四
五寸蓋小口溝長五里餘又接中心溝三里餘始
至湖心平漫處溝身旣長溝道又盤曲故水流迂
緩其病在溝不能吸溜使水勢直注閘口若能使
湖水駛抵閘口懸流三尺而下以水法度之湖雖
廣不十日可涸故其不通利之故不在口狹也又
云引水難行湖本低窪不引水亦無不可然大旱
之年往往有湖底龜坼而淮水夏漲瀾漫遍灘者

若有引水處便可放令滿溝卽行堵閉使岡上之地亦可以藉資挹灌有益無損也又云曠乾之年他地禾枯而湖苗倍收毋須引水以救此尤不然所謂湖苗或高粱豆菜諸旱種耳至於稻苗不能無水而收也湖底種旱糧終爲非計遇數寸驟雨岡水下稼悉壞矣湖地雖下然雖有盛潦但外壩不破則湖心之水極深處不過二尺余於潦時屢以小舟親探之矣吾鄉圩田終年積水尺許宜禾而不能麥以地下水無可洩也今焦岡湖之地亦利於開水田耳秋冬洩水以種麥刈麥後引水灌

之以種稻爲利乃大若可放而不可引則一涸之
後止可種旱糧又畏驟雨成潦殊非計也其欲於
燕湖故道築壩修閘以輔小口其言甚是而燕湖
口土性沙劣工段又長施工頗苦不易且燕湖口
以上所淤之田皆成膏產距湖又遠欲挑熟田爲
溝其勢恐不行民情難與慮始此間人尤愛逸而
惡勞苟且旦夕莫爲久計雖小引其端成之者或
俟後人耳

二里壩牖縣西二里肥水入城西湖之口也舊有牖
不知何年毀蕩今并舊址無可等肥河小漲卽淹沒

為害嘉慶十五年縣人趙長清等重造十六年成二

廂碑記嘉慶十五年造此廂其向入未出丑廂寬九

尺六寸深十一尺廣十一尺長百一十四尺凡用錢

七百二十五千有奇工七百一十五襍作工千三百

二十石三百丈廢石五十萬斤木大小百六十六本

灰二百六十石鐵川錠鑲重百九十九斤漿用米石有

四斗石工冷鳳亭工始於二月十二迄於四月十八

日終始其事者趙氏長清錢皆其兄弟族兄弟所出

也知鳳臺縣事李兆洛記續記庚午四月造二里

壩廂廂既就廂板未完土壩未及啓五月上旬雨驟
至水漲從壩闕懸溜而下冲盪廂根廂遂圯其冬趙
氏長清兄弟請於余願卒成之辛未二月鳩工於閏
月葺事計木石工料通用錢四百一十千有奇其錢
亦長清兄弟之所出也夫閘之成其所濟者千萬人
所保護之田數百家長清兄弟乃獨任之且已壞而
能終成其功其視私已自利見義無勇者何如也因
續記之署壽州許鴻磐二里壩造廂碑記壽春之
城環引肥河為濠城之西有湖袤延數十里肥水漲
溢則由濠洩而入湖旱則涸以城西之逼湖也行李

之道西門者少故西門之外無橋由城北而西道焦
陶湖菱角嘴諸坊者必由鳳臺之二里壩渡壩卽肥
河入濠之口也去城二里許故名舊故無壩以小艇
渡行李不便李侯洩事後行縣數往來於此因案視
地勢湖地不甚下而濱湖之田高於湖底僅尺咫水
灌湖卽濱湖之田盡沉爲牯以節之使漲水不溢則
湖田可保因募土人鳩工勸修武生趙長清其鄉人
也曰某之族有濱湖薄田數十頃且出入必道此值
冥晦或風雨亦頗苦之願承使君指造此閘且勸募
或致觀望不能集鳩趙宗百餘家各殫其力幸工可
蒞無事將伯也侯嘉而諾之爲條示程式戒戢侵蠹
卽日命畚鍤歷六旬而功成其年濱湖之麥大稔會
五月霪雨一晝夜其附牯之土壩不及啓水竇壩而
入懸溜而下盪齧底土遂蝨牯門湖田復漫其冬水
落趙長清復請於侯願更之則益治基址厚其梁寬
其門三月之間屹然增於其故夫疆水土以力本利
農固民也民之不固由於食不足由於不農不
農由於地利不興而苟且之俗勝也北方之土非瘠
於南中而所收輒薄且小旱潦卽致災歉則以人力
之不勤而墾植之宜堤深之法棄置不講耳得其道

而治之安往非沃野哉余以三月中來署壽州事適
會是牘之成聞壽州之言者皆曰壽州之田之濱湖
者十倍於鳳臺斯牘之成其利之及於壽州者蓋溥
矣然則李侯之所以教與趙生之勇於義孰非吾民
之所宜遵法哉邑人士將刊石誌其事屬於余余故
樂得而言之至於庀工之經費善士之姓名則已詳
於李侯之記不備述嘉慶十七年春鎮總兵多咨
西湖勘定界址碑記嘉慶十七年春鎮總兵多咨
呈總督部堂委員勘丈三月奉督憲百撫憲錢委廬
民爭控求委員勘丈三月奉督憲百撫憲錢委廬
道四鳳陽府知府姚江蘇候補道廣蘇州海防同知
偕江寧協副將祥會同壽春鎮總兵多遊擊沙守備
程壽州知州沈鳳臺縣知縣李公同踏勘丈量分定
界址畫溝埋石經廬鳳道四候補道廣海防同知偕
副將祥會稟督撫兩憲奉督憲批據稟會同勘丈情
形並所呈圖說甚為明白公當仰即照議定斷行令
該州縣埋石立碑永遠遵守奉撫憲批全湖入官畫
分兵四民六為樵牧之所確有舊案可憑自應照案
定斷通詳立案并刊碑營縣大堂及沿湖堤岸俾眾
共知以冀永遠遵守謹按壽州城西湖即水經注之

尉升湖也湖屬壽州惟北涯屬鳳臺地頗窪下遇潦輒成巨浸明末曾經開種加租國初蠲除空其地爲兵民樵牧之所相傳以爲兵四民六而界址無考鳳臺傍淮民田逼近湖邊營馬之牧於湖者往往逸入踐食以致頻年結訟今奉憲示合行照議刊碑將詳定四至里數弓口禁約開載明白以憑遵守者計開一全湖周圍實丈共四十一里六十弓自城西門外對涵洞起迤迤西北至羊鼻梁骨止計長七里自鼻梁骨起至汪家大路止計長五里皆鳳臺界自涵洞口分界處起迤迤西南至九里溝止計長十里自弓自九里溝起至汪家大路止計長十九里皆壽州界舊志載西湖周六十里係約畧言之今遵部頒尺式足五尺爲一弓三百六十弓爲一里一兵四地界共實丈十七里六十弓自涵洞口界石起西北至羊鼻梁骨埋有界石西南至九里溝埋有界石共長十七里六十弓從羊鼻梁骨界石對九里溝界石劃直溝一道溝以東爲兵四地溝以西爲民六地全湖四六分劈分兵四之地止應十六里所餘一里六十弓議於湖之南北岸讓出走路二條爲民人由湖東入湖西樵牧之路弁兵不得藉詞攔阻一自劃定地界

之後營馬不得越溝蹂踐民地民人不得越溝浸估
營地一兵四地內營兵不得將牧地指租與民間
種一兵民湖地與錢糧地毗連處俱創溝築堤以爲
分別界內之地未墾者永禁再墾已墾者查明造冊
入官輸租爲書院普濟堂經費一西門外現已造橋
營兵放馬直由西門下湖不得復出北門一湖地低
窪倘經大水溝壅卸恐仍舊淤平以致淆混日後
凡遇水淹之後該州縣重照原界委員督夫重挖毋
致淤填其餘圖說及一切章程控案始末詳載卷冊
不復備列嘉慶十七年五月日壽鳳官弁兵民公刊
王葉家巷東西壩縣東北三十里石頭埠諸山之水
由胭脂溝入淮淮漲倒灌則濱溝之田皆爲巨浸嘉
慶十五年士民廖朝紳廖奎祥等公請捐資築東西
壩二道西壩長二百餘丈東壩長五百餘丈保護民
田六十餘頃

濕泥河黑濠河裔溝皆宜導蒙境及縣西北境高阜
之水分注淮肥歷爲下蔡以北水利要害乾隆二十
二年知縣鄭基請帑挑濬爲銀萬二千六百五十
四兩爲工五萬餘丈爲時三十八日而畢又按田出

夫挑濬三河附近諸溝鄭基開濬三河記皇

江南清問下民疾苦其時下江之淮揚徐海上江之

鳳泗積年被滂奉旨加恩蠲賑以億萬計特命廷

臣會同督撫河三院相度形勢發帑大興水利而上

江之董斯役者則安嶽巡撫今大學士總督兩江高

公也高公駐節符離委大員外派州縣講求宣洩而
基於是年適宰鳳臺鳳臺之境跨淮南北高田僅十
之二在淮之南湖窪地居十之八在淮以北歲夏秋
則豫省平地之小山蒙亳南來本境淮肥之水由下
蔡北汎周數百里滙爲巨浸既奉恩旨輿論
皆言濕泥黑濠裔溝三河爲通邑洩水要道因請

滸開濬大府委員勘估奉准集夫興工凡浚濕泥河
淤三萬一千四百三十二丈用土方銀八千一百三
十兩有奇黑濠河淤一萬三千八百五十七丈用土
方銀二千八百一十兩有奇濤清河淤五千三百二
十七丈用土方銀一千七百有奇工與於乾隆二
十三年正月十九日以是年二月二十七日落竣三
河經流既通而濱河淺尚多淤塞窪地之水不得
入河漫淹猶恐不免因奉憲諭勸率鄉民將三河附
近溝渠照田多寡出夫挑濬引水各歸本河以達於
淮其入濕泥者一十九道入黑濠及濤溝者各十四
道其不入三河而直達於淮者又九道於是平地湖
窰之水悉由支達幹以歸於淮又恐淮水泛溢倒灌
則於淮北之長湖灣作壩一道淮南之大山集魯村
灣各築壩一道又於魯村灣中造石牖一座以資蓄
洩當是時民情踴躍貧者出力富者捐資不請帑
金刻期而集自此以後水有歸宿歲獲豐取十四年
於茲矣不可不勒貞珉以垂永久向年調任定遠未
暇及此今承乏壽州臨汾亢君知鳳臺事將創興邑
志三河修廢實爲厚臺利病之大關後來者或不
前次開濬之難因循廢弛久而淤澱復不免有往年

淹沒田廬之患爰錄其寔以爲記刻今且五十餘年
石下蔡并載邑乘焉 碑在下蔡鎮
河形雖在而淤塞過半知縣陳文矩續請發帑重
濬輾轉數年終以不果蓋所費旣鉅不敢輕於請
帑縣又無款可動也

舊志濕泥河城北一由蒙城界西北安家橋起至
石橋一由界溝集西起至石橋俱會於顧家橋西
南之肥河入淮一由界溝集東起北至黃家橋轉
而東南入淮其附近之小溝有賀疇集蘇家大溝
吳家長溝馬家斜溝穆楊湖楊家瓦溝地藏廟蔡
家長溝潘家店東淹溝西淹溝周家灣徐家溝劉

隆集三岔溝邵家集北溝童家莊溝白塘南北倉
泥溝 黑濠河城北自蒙城界大興集南起東南
至七步嘴入淮其附近之小溝有大興集苗家後
溝苗家東溝李家旁溝陳家樓關路溝談家莊東
溝劉家營東溝陳家莊西溝李興集汪家溝張家
溝山裏集王家溝遂家溝錢家溝大馬岡北溝柏
家莊溝 裔溝河城北淮河北西肥河東自蒙城
界王家廟起貫濕泥黑濠兩河而南入淮其附近
之小溝有陳橋灣蔣家溝梁家莊水溝石家集黑
風溝峯嶺溝羅家集街前溝陳盛湖辛家莊溝張

陳莊溝武家集鄧家塘溝李家莊溝三岔口郭家莊溝大關溝 右舊志所載鄭基所挑濬各河溝港水道頗不明晰已於輿地志中正之其溝港亦多與現在不合姑仍其舊列之以備考

界溝縣西北境與蒙城東南境爲界蒙城西北地勢益高平原水集俱傾注縣境田畝淹浸乃於分界之所掘溝容納於賈家村平岡分一支東注黑濠入淮一支西注西肥入淮以衛民田數十百頃久未挑濬溝亦淤淺每暑雨驟集北界下注之水既不能容漫溢平田居民於溝旁多築隄岸以爲擁護而蒙邑民

田亦以宣洩不暢嘗夜竊掘南岸之隄以鄰爲壑界內之民日夜防守或至爭鬥爲患不休漲至則羣具畚揭老弱悉起培擁恐後漲息則復懈弛任其坍塌溝以日益填淤愚民苟且旦夕不知本計所賴有司督率勸導而籌費無出相顧束手當務之急望諸有志斯民者焉

磐泉出東泉塘山西麓磐石下合山南細泉注澗北至安頭舖西大橋下可灌田百餘頃又北注墩子灣元女泉出紫金山西南麓翟家窪村前塘內泉極大又附小泉湧溢而下可灌田百餘畝流爲澗潑澗六

府山間終歲不竭南注於肥

聚星泉出鸞尾山北沈村東南石板橋邊泉衆出如聚星流終歲不竭可灌田二頃北注北錢家湖

抱雪泉出廬題山西北李家衝流終歲不竭可灌田二頃餘北注瑤澗湖

嵐香泉出馬蘭山東北麓歲旱不涸可灌田數畝溢注石門潭

沁月泉出小石嶺口北泉底數百竇上吐爲珠沫終歲不竭大曠不涸溢流東北會大石嶺水入牛氏長溝歲潦山北窪地被浸依山居民賴此泉灌山坡稻

田可數十頃收穫者賴不饑

洗雲泉出石門潭北厓趾終歲不竭流出潭東北可灌田數十畝東北注老魚溝

渾山泉出渾山北麓可灌田數十畝中多細泉浸潤不絕歲旱獨得收穫

右所條具皆爲閭閻之利灼灼可見夫芍陂之饒始自蔣敷至今爲利南北朝時淮南北耕屯爲天下最下蔡大崇陂黃陂雞陂澹陂隋廢而唐復置皆溉田數百頃今之於古果何如也夫舉縣境之地其可隄者可渠者奚啻如此而已然民疲而惰於農吏孱而

昧於計弃穡弗務疆畔莫修淮北諸渠填淤者十九
諸牘壩雖稍整理而脫一不治廢壞立見懸耜旣多
惰游日增挾刀帶劍往往而是矣是誰之責也哉是
誰之責也哉

鳳臺縣志卷五

賜進士出身翰林院庶吉士鳳臺縣知縣兼理壽州事李兆洛纂
官師志

鳳臺分壽而治古時濱淮隘塞之地多隸鳳臺夫壽
春自漢以來常爲太守都督治所豈不以長淮曲盤
帶以兩肥關以重岡地勢形要爲南北入出都會哉
而縣所分古壽春地不過十二又壽州猶仍古名則
以官從地古重臣名將之鎮壽春者不宜入縣志惟
五代周及宋紹興以前壽州徙治下蔡故其時之中
正軍節度及知壽州并同知通判壽州者當附見金

以下蔡置壽州則金之壽州防禦使刺史通判當附

見見於史者周則楊承信

字守真顯德中征淮南爲濠州攻城副都部署改壽

州北砦都部署兼知行府事壽州平累戰功擢中正軍節度同平章事時州徙治下蔡承信既增廣其城

又遣監軍薛友柔敗淮南人六宋則王審琦
字仲實

百餘於廬州北見五代史本傳

年出爲中正軍節度在鎮八年爲政寬簡所部邑令

以罪停其錄事吏幕僚白令不先咨府請按之審琦

曰五代以來諸侯強橫令宰不得專縣事今天下治

平我忝守藩維而部內宰能斥去黠吏誠可嘉尙何

按之有聞者嘆王承衍
字希悅審琦子大中祥符間

服見宋史本傳

卒初審琦鎮壽春承衍生於郡解至王克臣
字子難

卒亦于其地人咸異之見宋史本傳

孫仕累通判壽州鼓角卒夜入州解擊郡將既就擒

而監兵使所部被甲搽刃立庭中官吏駭觀克臣徐

言曰此不過爲盜耳立遣甲者立戒兇卒勿妄引他

人欲懼服是日天晚節率掾屬朝謁如常儀人賴以

安見宋傳潘慎修字成德莆田人臨李煜歸朝累遷考

史本傳洛陽人以勞擢東上閤門使端拱段思恭州

晉城人雍熙二年知壽州見宏簡錄庶官傳淳化中轉屯田員

壽州見宋史本傳楊覃字申錫淳化中壽州巡撫使潘

慎修上其政績有詔嘉獎就命知州事數月召還未

上道會丁內艱州民列狀乞留轉運使以聞有詔奪

情見宋傳喬維岳字伯周陳州南頓人周顯德初登第

史本傳明習吏事有治陳彭年字永年撫州南城人喬

壽州見宋史本傳趙鎔字化均樂陵人真宗時以院

劇才見宋史本傳趙賀字餘慶開封封邱人真宗時

三州刺史見宏簡錄趙賀字餘慶開封封邱人真宗時

簡錄正軍節度使趙賀字餘慶開封封邱人真宗時

受忠正軍節度使趙賀字餘慶開封封邱人真宗時

見宏簡錄庶官傳趙賀字餘慶開封封邱人真宗時

見宋史陳堯佐字希元真宗時知壽州歲大饑出奉

本傳陳堯佐字希元真宗時知壽州歲大饑出奉

活數萬人見王曙字晦叔咸平中舉賢良方正科累

宋史本傳王曙字晦叔咸平中舉賢良方正科累

官師

二

壽州見宏簡董儼咸平二年范正辭爲河東轉運使

錄侍從傳夏竦洪三州見宋史本傳錢昆越王琮子

政見宏簡夏竦洪三州見宋史本傳錢昆越王琮子

錄臺諫傳夏竦洪三州見宋史本傳錢昆越王琮子

舉進士仁宗朝知壽州宋祁字子京知壽州觀郡圖

爲治寬簡累官秘書監宋祁字子京知壽州觀郡圖

南王造蹟曾致堯書丞移知壽州南豐人舉進士遷秘

作詆仙賦既去壽人遮留以一騎二卒逃去過他吳

手猶有追之者見歐陽文忠公會公神道碑銘

奎字長文濰州北海人性強記于書無所不讀舉五

使契丹殺其儀以見坐是出知壽州奎達楊崇勳字

于從政應事敏捷吏不敢欺見宋史本傳楊崇勳字

臣薊州人景祐初罷平章朱景壽字晦伯仁宗時擢知

事知壽州見宋史本傳朱景壽字晦伯仁宗時擢知

給勸富者出積穀所活數萬人城西居民王質字子

三于室建請築外郭環入之見宋史本傳王質字子

旦弟子登進士歷館閣授勘知廬壽林洙林特子官

二州遷度支郎中見宏簡錄宰輔傳林洙至可農鄉

知壽州臨事苛急人擊魏子浩魏羽子歷知壽潤滁

殺之見宏簡錄宰輔傳其非罪命脫械縱去一府爭以

有司執僧告服魏憫其盜見宋史本傳按子浩知壽州

爲不可後數日得真盜見宋史本傳按子浩知壽州

當在仁曹修睦曹修古弟用杜衍薦爲侍御史楊察

宗時隱甫登景祐進士直集賢院出謝壽字濟之富春

知穎壽二州見宏簡錄臺諫傳謝壽字濟之富春

通判壽州有能稱見周嘉正壽州寬厚清廉長於政

歐陽文忠公墓志銘周嘉正壽州寬厚清廉長於政

事其治遇奸吏獨急李若谷字子淵天聖中遷給事

見王荆公墓誌銘李若谷字子淵天聖中遷給事

楊蟠字公濟章安人歐陽修稱其能詩通判杭州字

文昌齡字伯修雙流人神宗時改直秘閣許遵字仲

州人熙寧中知壽潤二朱服字行中元豐中以直龍

州見宏簡錄庶官傳二朱服字行中元豐中以直龍

簡錄臺諫傳宏韓晉卿字伯修神宗時知同壽明三

宋史江公望字民表睦州人舉進士徽宗初以陳下

本傳江公望直龍圖閣知壽州見宋史本傳

紹興二年四月知壽春府陳下及鈐轄金則高彪本

陳寶等舉兵復順昌見去簡錄高宗紀

召和勃海人天會五年授靜江節度石抹卞本名阿

史壽州刺史見宏簡錄金諸將傳

天會末察廉升壽州刺史訛里也壽州刺史訛里也同

史見宏簡錄金庶官傳訛里也壽州刺史訛里也同

知查刺軍事判官孫紹先推場副使韓仲英等以查

受商賂縱禁物出界皆處死見宏簡錄金主紀

刺壽州同奧屯襄本名添壽上京路人大定中以功

傳徒單羲泰和六年六月宋將李爽圍壽州刺史徒

爲使見宏簡烏古論仲温本名胡刺蓋州按春猛安

錄金主紀烏古論仲温本名胡刺蓋州按春猛安

官壽州防禦使見滿古烈泰和六年李爽圍壽州同

宏簡錄金忠節傳

簡錄金完顏弼本名達吉不蓋州猛安人泰和六年

忠節傳完顏弼從攻襄陽積功除南京副留守壽州

防禦使見宏簡 木甲臣嘉北京路猛安人興定元年

錄金諸將傳 完顏乃刺元光二年奪壽州防禦使完顏

官傳 乃刺官四階見宏簡錄金主紀其

下蔡之為縣自漢迄元千數百年不為不久矣而令

長佐史之見於載籍者惟魏鄭渾三國魏志鄭渾字

行召為掾復遷下蔡長邵陵令天下未定民皆剽輕

不念產殖其生子無以相活率皆不舉渾所在奪其

漁獵之具課使農桑又兼開稻田重去子之法民初

畏罪後稍豐給無不舉贍所育男女多以鄭為字

唐李中全唐詩見薛贇河東人下蔡令又為崑山翼

猶宋周選字敬遂其先華陰人徙成都郫縣蜀孟氏

存仕天子名以為壽州下蔡令由下蔡為太子中允

復為秘書丞知秦州以卒見王臨川文集尚書邢部

郎中周公墓誌銘又呂蒙亨下蔡主簿見宋史此外

鳳臺縣志 卷五 官師 四

率湮沒無考今就次分縣以來所更治者制鳳臺縣

知縣一典史一關疇司巡檢一

嘉慶十一年以縣屬之關疇集地方緊要

秦哉建德丞豐司巡檢改設關疇司駐關疇分轄附近之楊村蘇村展溝水月村柳庄村陶家集北王家集邵家集清泉集尚塘集港灣村薛家集西北胡家集凡十四保分壽州學訓導爲

縣學訓導一城守守備一兼轄壽鳳鳳臺汛經制把

總一下蔡汛協防外委把總一關疇汛協防外委把

總一戰守兵三十名

嘉慶十二年以關疇集離縣寫遠民情勇悍姦尤易藏奏裁壽

州三覺寺汛外委把總改設關疇汛駐關疇

知縣

周之晉浙江會稽人雍正己酉科拔貢壬子科副貢

雍正十一年任 鹿謙吉直隸定興人雍正癸卯科
舉人甲辰科進士乾隆七年任 劉標順天大城人
雍正癸丑科進士乾隆八年任 潘學溥江蘇溧陽
人監生保舉乾隆十一年任 姚德文湖北漢川人
雍正癸卯科舉人乾隆十四年任 孫鑛直隸豐潤
人雍正壬子科舉人乾隆己未科進士乾隆十六年
任 吉祿滿洲正黃旗人乾隆壬戌科進士乾隆十
六年任 鄭基廣東香山人廩貢乾隆二十二年任
開挑黑泥河建營村灣閘具有記 鍾旭江西興國
人乾隆癸酉科拔貢乾隆二十五年任 沈丕欽江

蘇吳縣人監生乾隆二十八年任始建文廟兩廡

亢懷山西臨汾人乾隆丁卯科副貢乾隆三十三年

任始修縣志 劉立銓順天寧河人乾隆壬子科舉

人乾隆四十一年任 黃周鼎江蘇溧陽人乾隆庚

寅科舉人景山官學教習乾隆四十二年任 阿林

保正白旗人監生吏部筆帖式保舉乾隆四十四年

任 陳存矩浙江海寧人乾隆庚午科舉人石門縣

教諭截取乾隆四十八年任 高質璉直隸任邱人

廩貢平谷縣教諭保舉乾隆五十六年任 查彬順

天宛平人乾隆癸卯科舉人甲辰科進士乾隆六十

年任 高麟祥直隸任邱人乾隆壬午科舉人完縣
教諭截取嘉慶三年任 袁淑江蘇桃源人乾隆己
酉科拔貢覺羅官學教習嘉慶七年任 吳層雲江
西高安人乾隆庚子科舉人嘉慶十年任 李兆洛
江蘇武進人嘉慶甲子科舉人乙丑科進士翰林院
庶吉士嘉慶十三年任 嵩山漢軍正黃旗人嘉慶
戊午科舉人十九年任

鳳臺縣廳壁記吳江吳育撰

李君申耆治鳳臺三年連歲獲稔催科無擾因得
請於上官作新其宮室既成將書其前任人名氏

於壁余語之曰曾子固曰爲後世之吏得行其志者少矣而縣令最甚謂有所屈于州也余竊以爲不然承學之士苟有意於致君澤民而欲見之行事惟知縣爲宜民者國之本也知縣者親民之吏也善爲天下者必先治其民不能治民而能治天下者未之有也患無術以治之不患不能治老子曰治大國若烹小鮮蓋知類通達強立不反古今之變事物之宜旣瞭然于胸中一旦用以爲治誠如是也鳳臺分壽州而治其民舊號頑悍凋瘵困敝至今日而尤甚吏玩而欺民不知稼穡于耕作

仰天澤以爲豐歉小不稔則流散四出謂之逞荒
愚者好鬥而肆志小有所不忍徃徃挺刃矢相併
視性命如草芥士鮮實學驚于功利然余觀其俗
尙儉嗇諱姪邪惡衣食訕言語質魯而少文勸之
學可以立導之事可以建官長明則知畏懼其衆
號桀黠者旣案捕多怯懦而不能任猶愈於江以
南之習變詐而巧避就也又其地土膏而腴種之
善畝可一鍾惜乎水利不修不足以溉之耳除其
害布其利出者來之處者拊之愚者匡之善者翼
之莊以莅之明以勸之不可以爲善邑者余不信

也自縣之爲縣七十餘年矣所更治者幾何人矣亦嘗有志于是者乎其不畏難而無速去者幾何人也口碑之在民者可復耶且往者 天子嘗發數十萬之帑以賑斯民斯民卒未有起色歲賦嘗掛其十五君之來逋之完者十七家之飽者十八訟之罔者十不得二焉不可謂非天幸然也昔孔子嘗爲乘田委吏矣亦曰牛羊遂會計當而已職有大小任有輕重能盡其分者謂之道不能盡其分而謂屈于人者非也齊因數世之亂管夷吾用之而霸鄭子產亦比數世亂用之而治豈嘗移易

其民哉因其宜而利導之而已爾故曰正其本萬
事理不能正其本而猥曰民不可治者豈然乎今
君治此不爲不久矣行而無悔者幾何事矣其治
之未舉者幾何事耶乃亟新其宮室蒙竊惑焉毋
亦謂不能盡其志道有所屈於已而私便其身乎
君曰唯吾用是愈知所務矣遂書之以爲廳壁記

訓導

陸愷蒙城人歲貢雍正十一年任 金澳吳江人歲

貢乾隆二年任 儲遠宜興人歲貢乾隆四年任

聞人賢松江人歲貢乾隆十一年任 胡寶光歙人

乾隆 科舉人乾隆十七年任 程廷贊江寧人

歲貢乾隆二十六年任 何廷標黟人歲貢乾隆二

十九年任 汪昱歙人乾隆壬申科舉人乾隆三十

八年任 李長恩江寧人乾隆庚寅科舉人大挑一

等自呈改補乾隆四十九年任 顧宜興化人歲貢

嘉慶七年任 莊椿江陰人乾隆乙卯科舉人嘉慶

十七年任

闕疇司巡檢

劉昭武陝西榆林人延綏鎮兵書軍功議叙池州建

德縣丞豐巡檢嘉慶十三年改缺移任 鄧廷彩四

川崇慶州人監生嘉慶三年教匪滋事捐備口糧帶
領鄉勇隨經畧大臣打仗歷擒賊目楊正清首逆高
三馬五冉樊張世虎李彬等賞六品軍功頂帶保
奏以從九品選用搜捕零匪事竣議敘以從九品儘
先補用十七年五月任

閩嶺離縣百八十里西逼阜陽北連太和蒙城南
接穎上達霍邱爲數邑往來孔道而非驛站所經
五方雜處藪慝最易移駐巡司洵爲扼要第甫經
改設官無公署事無章程不足以肅觀瞻警頑玩
又並設外委把總分不足以相統攝或乖午轆轤

反滋事端妨治尤甚擬請建衙署并移外委於顧家橋分路彈壓於情事爲便卒卒未暇議及亦有望於後來者焉

典史

馮敏順天通州人監生雍正十二年任 喬謙禮河南安人吏員乾隆四年任 任學洙山西汾陽人吏員乾隆五年任 茅玉宗順天大興人監生乾隆十二年任 金大綸順天大興人監生乾隆十七年任 吳天祚順天大興人乾隆二十六年任 張圻順天大興人監生乾隆四十六年任 陳嘉墉順天

大興人供事嘉慶九年任 黃承恩福建邵武人監
生嘉慶十一年任

鳳臺汎經制把總

趙順 盛鏞 張殿英 王惠 張忠 李際春

史國相 雷正宗 崔天保 張泰 王俊 郝元

賈魴 丁三元 胡會

下蔡汎協防外委把總

李廷詔 張傑 葛會芳 蓋宗宣 蓋宗旗 展

光居 張殿英 齊長庚 吳軒 崔天保 李遇

春 胡錕 孫昂 高超 王泰 吳雲朋 劉興

邦 黃必選 謝登高 李義 馬占鰲 趙正元

傅光輝 王大鵬 薛大勇

闕 曠 汎 協 防 外 委 把 總

畢 舉 選

鳳臺縣志卷

鳳臺縣志卷六

賜進士出身翰林院庶吉士鳳臺縣知縣兼理壽州事李兆洛纂
選舉志

鳳臺亦自古文學之區也讀淮南內篇招隱辭求羣
臣賦雖不可得一時賓客之盛亦輝映山水矣而自
漢以來魁碩之士照人耳目者絕少卽自奮於甲科
者亦復寥寥焉有明一代州之成進士者十四人惟
方震孺著今邑 本朝順治康熙間州進士七人惟
謝開寵方一韓著今邑今志選舉首舉人次貢生次
武科次例銓皆以分縣後爲斷

舉人

郭世安乾隆五十四年己酉科山西靈邱縣知縣

張汝敦嘉慶九年甲子科 劉志本嘉慶十三年戊

辰科

貢生

張織雍正十三年恩貢 陳璉歲貢 秦怡歲貢震

澤縣訓導 謝均育乾隆六年辛酉科副貢鑲藍旗

官學教習青陽縣教諭 孔毓奇歲貢 姚純如歲

貢蕭縣訓導 梁延乾隆十六年恩貢 李輝歲貢

王岵乾隆十八年癸酉科拔貢 湯執中歲貢

朱準歲貢 方英歲貢 王悅歲貢 金有鋒府學

歲貢 楊纘西乾隆十八年恩貢 趙佳窩歲貢

廖學洙乾隆三十年乙酉科拔貢 方承永歲貢

王有裴歲貢 方文齡府學歲貢 張銳歲貢 蘇

裴昭府學歲貢 金居業乾隆三十七年恩貢 王

超歲貢 權基歲貢 姚立成歲貢 朱蔭楷乾隆

四十二年丁酉科拔貢 張偉畧歲貢 李樞乾隆

四十五年恩貢 王有鳴歲貢 蘇夢徵乾隆四十

八年癸卯科副貢 張秩歲貢 李雲凌乾隆五十

二年恩貢 龐景肇歲貢 張紀多歲貢 郝瑤歲

貢 張鴻緒歲貢 沈學山歲貢 劉錫祉歲貢

石澗清嘉慶六年辛酉科拔貢 姚遇磻嘉慶六年

恩貢 吳樞歲貢 許步瀛歲貢 李盤歲貢 劉

志本嘉慶十二年丁卯科副貢 楊凌雲嘉慶十五

年恩貢 劉爲鯤歲貢

武進士

程冠甲嘉慶十六年辛未科

武舉人

朱以臨乾隆三年戊午科 解丕顯乾隆十五年庚

午科 楊鳴儀乾隆二十四年巳卯科 楊大壯乾

隆三十年乙酉科解元 陶定國乾隆三十年乙酉

科 朱鳳智乾隆三十年乙酉科 朱廉乾隆三十

年乙酉科 吳世纓乾隆三十三年戊子科 常泰

乾隆三十五年庚寅科 唐恂乾隆三十六年辛卯

科 王雲翔乾隆三十八年甲午科 李鳳儀乾隆

五十四年巳酉科 吳廷標乾隆四十七年癸卯科

胡寶賢乾隆五十三年戊申科 張佑溪乾隆五

十三年戊申科 王立綱乾隆五十四年巳酉科

胡廷椿乾隆五十四年巳酉科 陳保寧乾隆五十

四年巳酉科 楊景標嘉慶五年庚申 恩科 栢

安邦嘉慶十二年丁卯科 程冠甲嘉慶十三年戊

辰 恩科 侯鎮乾嘉慶十五年庚午科

例銓

鄭巨川嘉慶五年河工例同知署宿虹廳 鄭澄川

嘉慶五年河工例同知署霸州州同 郭泗傑嘉慶

十一年南河捐輸料價議叙例縣丞 孫炳圖嘉慶

十五年續增土方例郎中 王玉田嘉慶十五年續

增土方例通判

語曰一人善射百夫決拾蓋父兄之教朋儕之勸少
而習長而安耳濡目染浸淫之勢然也

本朝百八十年於今文學彬彬比戶鄒魯而斯邑樸
陋未獲曠然一變將非風氣忤勁弦誦少弛乎童子
試武科者弓馬技勇常甲旁縣文學之士大率質重
而少文導之善未嘗不可與立然多急於功利搆實
學余來三年閱弟子籍未嘗不慨歎登八公山考其
遺文又未嘗不舉然想見小山其人者而不我見何
哉學額廩膳生十二名歲科每試取入生員八名武
生六名學校與壽州合具州志

鳳臺縣志卷六